



**SINDIKAT
MAŠINOVOĐA-STROJOVOĐA
U FEDERACIJI BOSNE I HERCEGOVINE**

Put života 2. 71000 Sarajevo, BiH / Tel; fax: +387(0)33 218-298 E.mail; sindikat.masinovodja@zfbh.ba www.sms-fbh.ba

ODRŽANA VII REDOVNA SKUPŠTINA-SABOR SINDIKATA

U Salonu sarajevske željezničke stanice Sarajevo održana je 11.februara redovna sedma Skupština-Sabor Sindikata mašinovođa-strojovođa u FBiH, na kojoj su pored članova prisustvovali i brojni gosti.

Sedmoj Skupštini – Saboru prisustvovali su Nedžad Osmanagić, predsjednik Društva-generalni direktor, Nijaz Puzić, izvršni direktor za poslove željezničkog operatora i Šemsudin Zahirović, izvršni direktor za ekonomske poslove Željeznice Federacije BiH.

Radom Skupštine-Sabora rukovodio je njen predsjednik Ismet Repuh gdje su svi prijedlozi sa dnevnog reda usvojeni bez primjedbi. Potvrđena je odluka Upravnog odbora sindikata po pitanju verifikacije novih članova ovog tijela, ispred sindikalne podružnice Tuzla i verifikacija članova Nadzornog odbora. Nakon podnešenog Izvještaja Nadzornog odbora sindikata, prisutno članstvo je imalo primjedbe na Izvještaj o radu Nadzornog odbora i Finansijski izvještaj o utrošku sredstava Upravnog odbora ali se na kraju pristupilo usvajanju podnešenih izvještaja sa određenim zadacima i rokom izvršenja. Također bilo je riječi, o prijedlozima delegata iz Tuzle, o izmjenama i dopunama Statuta sindikata gdje se nakon provedene diskusije zaključilo da se po ovom pitanju provede procedura od strane Upravnog odbora te ukoliko se prihvate ili njen dio stupe na snagu danom donošenja.

U radnom dijelu Skupštine-Sabora su se našla sva važna pitanja za rad sindikata te pitanja iz radnopravnih odnosa i zaštite na radu. Delegati su otvorenim dijalozima i konstruktivnoj diskusiji ozbiljno su pristupili u rješavanju gorućih pitanja i donijeli određene zaključke. U dijelu rasprave po pitanjima radnopravnog statusa članova sindikata i zaštite na radu u diskusiji su, pored članova, učestvovali prisutni predstavnici ispred menadžmenta Društva i prisutnim delegatima iznijeli konstruktivne odgovore i prijedloge u donošenju konačnih odluka. Kako je rečeno, sve odluke donešene po ovim pitanjima treba da se dostave Upravi Društva na razmatranje kako bi se donesena rješenja mogla pustiti u redovnu proceduru i izvršenje.

U obraćanju delegatima Skupštine-Sabora Nedžada Osmanagića, gdje je pored svega izrazio zadovoljstvo pozivom i čašću da prisustvuje ovom skupu, je naglasio da je naše preduzeće u teškim vremenima te da smatra da se ovaj skup održava u pravo doba i koji realno treba da procijeni gdje se nalazimo. Pozvao je sve prisutne da racionalno sagledaju poteškoće i na aktivan način u svojim organizacionim područjima pomognu ovom menadžmentu da se kriza prebrodi sa što manje posljedica. Također je naglasio da današnjim prisustvom koristi priliku u potvrđivanju budućih boljih odnosa u pogledu socijalnog dijaloga koji Uprava Društva treba da ima sa ovim sindikatom i da kroz taj dijalog riješe mnoga značajna pitanja urealnim očekivanjima svijesni teškog stanja u kome se nalazi naše preduzeće.

Nakon završetka radnog dijela organizovano je druženje u restauraciji sarajevske željezničke stanice. Bila je to prilika da delegati iz svih krajeva Federacije BiH razmjene mišljenja o temama koje se nisu našle na dnevnom redu sjednice, ali i za razgovor sa generalnim direktorom Nedžadom Osmanagićem.